



XUNTA
DE GALICIA

Saida 547082 / RX 770079

REXISTRO ELECTRÓNICO

Data 15/06/2020 13:25:37



NOTIFICACIÓN DA RESOLUCIÓN DO 12 DE XUÑO DE 2020, DA DIRECCIÓN XERAL DE PATRIMONIO NATURAL, DUNHA SOLICITUDE DE ACCESO Á INFORMACIÓN PÚBLICA REALIZADA POR [REDACTED]

De conformidade co artigo 40 e concordantes da Lei 39/2015, do 1 de outubro, de Procedemento Administrativo Común das Administracións Públicas, notifícolle que con data do 12 de xuño de 2020, a Directora Xeral de Patrimonio Natural ditou unha resolución co texto íntegro seguinte:

PROCEDEMENTO: ACCESO Á INFORMACIÓN AMBIENTAL	
Expediente	IAB-015/2020
Solicitante	[REDACTED]
Entidade	TECNOLOGÍAS Y SERVICIOS AGRARIOS, S.A., S.M.E., M.P. [REDACTED]
Enderezo a efectos de notificación	[REDACTED]

ANTECEDENTES

- I. Con data do 20.04.2020 tivo entrada no rexistro electrónico da Xunta de Galicia (rexistro de entrada 2020/736750) unha solicitude presentada por [REDACTED], en representación de TECNOLOGÍAS Y SERVICIOS AGRARIOS, S.A., S.M.E., M.P. (NIF: [REDACTED]), mediante a que solicita á Secretaría Xeral Técnica da Consellería de Medio Ambiente, Territorio e Vivenda, acceso á información pública existente sobre especies exóticas invasoras vexetais presentes no ámbito da Confederación Hidrográfica do Cantábrico.

CONSIDERACIÓNS LEGAIS E TÉCNICAS

- I. A Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente (incorpora as Directivas 2003/4/CE e 2003/35/CE) define a información ambiental como toda información en forma escrita, visual, sonora, electrónica ou en calquera outra forma que verse sobre distintas cuestións, entre elas o estado dos elementos do ambiente, como o aire e a atmosfera, a auga, o solo, a terra, as





paisaxes e espazos naturais, incluídos as zonas húmidas e as zonas mariñas e costeiras, a diversidade biolóxica e os seus compoñentes, incluídos os organismos modificados xeneticamente; e a interacción entre estes elementos.

- II. Esa mesma lei regula no seu Capítulo III do Título II o acceso á información ambiental logo de solicitude. O artigo 10 deste capítulo establece que as solicitudes de información ambiental deberanse dirixir á autoridade pública competente para resolvelas e tramitaranse de acordo cos procedementos que se establezan para o efecto, Entenderase por autoridade pública competente para resolver unha solicitude de información ambiental, aquela en cuxo poder figura a información solicitada, directamente ou a través doutros suxeitos que a posúan no seu nome.
- III. O artigo 13 da Lei 27/2006, do 18 de xullo, regula as causas de excepción á obriga de facilitar a información ambiental por parte das autoridades públicas, entre eles que a información solicitada á autoridade pública non obre en poder desta ou no doutra entidade no seu nome.
- IV. A Lei 1/2016, do 18 de xaneiro, de transparencia e bo goberno establece no seu artigo 25 que o dereito de acceso á información pública só poderá ser limitado ou denegado nos supostos previstos na normativa básica. Engade ademais, que naqueles casos nos que a aplicación dalgunha limitación non afecte á totalidade da información, e sempre que sexa posible, concederáse o acceso parcial, omitindo a información afectada pola limitación, agás que a información resultante sexa equívoca ou carente de sentido.
- V. A solicitude non se atopa dentro das causas de non admisión recollidas no artigo 18 da Lei 19/2013, do 9 de decembro, de transparencia, acceso á información pública e bo goberno.
- VI. Con data do 12.06.2020, o Servizo de Conservación da Biodiversidade da Dirección Xeral de Patrimonio Natural emitiu un informe sobre a solicitude de información pública, no que se conclúe que se atopa entre os supostos previstos na Lei 19/2013, do 9 de decembro, polo que propón a admisión da solicitude de información recibida e dar acceso á persoa interesada, á información solicitada.
- VII. Este expediente foi tramitado conforme ao disposto na Lei 39/2015, do 1 de outubro, de Procedemento Administrativo Común das Administracións Públicas.
- VIII. A competencia para a resolución deste procedemento corresponde á directora xeral de Patrimonio Natural, de conformidade co disposto no Decreto 88/2018, do 26 de setembro, polo que se establece a estrutura orgánica da Xunta de Galicia, no Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia, no Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda.

Por todo o exposto, **RESOLVO:**





Primeiro. Admitir a solicitude de información pública presentada por [REDACTED], en representación de TECNOLOGÍAS Y SERVICIOS AGRARIOS, S.A., S.M.E., M.P. [REDACTED], o 20.04.2020, ao atoparse entre os supostos recollidos na Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente.

Segundo. Dar acceso á parte da información solicitada que se atopa dentro do ámbito competencial da Consellería de Medio Ambiente, Territorio e Vivenda e en poder da Dirección Xeral de Patrimonio Natural:

- a) Información tabulada relativa a *Carpobrotus* spp. e *Cortaderia selloana* na ZEC ES1120017 Costa da Mariña Occidental.
- b) Información tabulada relativa a *Cortaderia selloana* no ámbito da Confederación Hidrográfica do Cantábrico.

Á vista do establecido no artigo 17.2.d) da Lei 19/2013, do 9 de decembro de transparencia, acceso á información pública e bo goberno, a información faráselle chegar á persoa interesada empregando a conta de correo electrónico que ten indicado na súa solicitude.

Cos seguintes condicionantes:

- I. Esta autorización é persoal e intransferible.
- II. Non se autoriza a difusión e a cesión a terceiros da información achegada, sen a autorización expresa da Dirección Xeral de Patrimonio Natural.
- III. Esta autorización expídese no ámbito de competencias da Dirección Xeral de Patrimonio Natural, e non exime á persoa interesada de calquera outra autorización ou obriga que poida ser necesaria para a realización das actuacións e do cumprimento doutras disposicións establecidas pola normativa sectorial correspondente.

Terceiro. Inadmitir a solicitude de información en relación con aqueles aspectos que non obran en poder da Consellería de Medio Ambiente, Territorio e Vivenda, (datos espaciais sobre a distribución de EEI vexetais presentes nas Reservas da Biosfera, contidos no ámbito da Confederación Hidrográfica do Cantábrico: Reserva da Biosfera de "Ancares Lucenses, Montes de Cervantes, Navia e Becerreá" e Reserva da Biosfera do "Río Eo, Oscos e Terras de Burón") por atoparse dentro dos supostos previstos no artigo 10 da Lei 27/2006, do 18 de xullo, e igualmente dar traslado da citada solicitude á Deputación Provincial de Lugo e ao Goberno do Principado de Asturias, así como informar deste aspecto á persoa interesada.

Contra esta resolución, que non finaliza a vía administrativa, poderá interpoñerse un recurso de alzada ante a conselleira de Medio Ambiente, Territorio e Vivenda, no prazo dun mes, contado a partir do día seguinte ao da súa notificación, de conformidade cos artigos 121 e 122 da Lei





39/2015, do 1 de outubro, de Procedemento Administrativo Común das Administracións Públicas.”

Asinado dixitalmente

A subdirectora xeral de Biodiversidade e de Recursos Cinexéticos e Piscícolas

Susana Cuesta Fariña

Asinado por: CUESTA FARIÑA, SUSANA EVA
Cargo: Subdirectora Xeral de Biodiversidade e de Recursos Cinexéticos e Piscícolas
Data e hora: 15/06/2020 12:47:33

ede.xunta.gal/cve

